



Nunatta Katersugaasiviata nukittorsarnissaa ullutsinnullu naleqquttumik toqqorsiveqalernissaq siunertaralugu, toqqorsivimmik sanaartornissamut pilersaarummik (projektering) aningaasaliinissamik. Pilersaarussiaq naammassereerluni inatsisartunut saqqummiunneqassaaq UKA 2023. Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Doris Jakobsen Jensen, Siumut)

(Siullermeerneqarnera)

Inatsisartunut ilaasortamut Doris Jakobsen-imut siunnersuummut uunga qujanaq.

Pingaartuuvoq, oqaluttuarisaanitsinnit piorsarsimassutsikkullu kingornussarsiatta eriagineqarnissaat. Siunnersuuteqartoq ilumoorpoq oqarami, maannakkut toqqorsiveqarnerit ajorpallaartut, aammalu tulluanngittoq, pigisatta oqaluttuarisaanermut pingaarutillit Danmarkimi toqqortaatigineqartariaqarneri.

Iluarisimaarparpullu paasigatsigu, Naalakkersuisut tamanna unamminartoq eqqumaffigaaat kissaatigalugulu Inatsisartunut ilaasortamit Doris Jakobsen-imit siunnersuutip uuma Nunatta Allagaateqarfiani katersugaasiviit illutaasa pilersaarusionerqarneranni maannakkut suliarineqartumi ilanngunneqassasut.

Taamatut oqaaseqaateqarluta Naalakkersuisut allannguutissatut siunnersuutaata akuerineqarnissaa aammalu Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliami suliareqqitassatut innersuussutigaarput.